



САМУРДИН

сече

«Магъарамдхуърун район» МР-дин
общественно-политический газет.
Общественно-политическая газета
МР «Магарамкентский район».

Газет 1951- йисалай акъятзава. № 38 (7806) киш, 17 - сентябрь, 2016- йис. Къимет 6 манат.

Уважаемый Фарид Загидинович!

Поздравляю Вас с праздником – Днем единства народов Дагестана!
Единство народов Дагестана – это неоспоримая ценность, основа существования и развития нашей многонациональной и многоконфессиональной республики, впитавшей множество самых разных традиций, укладов и обычаев.

Сегодня единство народов Дагестана необходимо для сплочения и мобилизации всего дагестанского народа, каждого дагестанца на вывод республики из тяжелого кризиса, для борьбы с невежеством и отсталостью, коррупцией и «теневой» экономикой, экстремизмом и терроризмом. Это задачи, решением которых мы обеспечиваем стабильное и устойчивое развитие Республики Дагестан.

Уверен, что только сохраняя единство и гражданскую солидарность, оберегая свои традиции и духовные ценности, мы сможем добиться поставленных целей и сделать нашу республику одним из успешно развивающихся регионов России.

Желаю Вам здоровья, благополучия, успехов во всех добрых начинаниях во имя процветания Дагестана и России!

Глава
Республики Дагестан

Р. Абдулатипов



2016
-йисан

18-
сентябрдиз



Россиядин Федерациядин Федеральнй Собраниедин
Государстводин ДУМАДИЗ

ва

Дагъустан Республикадин

Халкъдин Собраниедиз

СЕЧКИЯР

КЪИЛЕ
ФИДА

ЧИРВИЛЕРИЗНИ ТЕРБИЯДИЗ- КЪЕТИЕН ФИКИР



РАЙОНДИН малимрин августдин совещани-
едал «Магарамдхурьун район» МР-дин Адми-
нистрациядин кьил Фарид АГЪМЕДОВА авур
доклад газет келзавайбурун фикирдиз гузва.

ГЪУЪРМЕТЛУ малимар, акьалтзавай несил патриотвилинни ватанпересвилин руьгдаллаз тербияламишунин месэла,- кьейдна Фарид Загьидиновича,- четинди, гзаф терефринди гьа са вахтунда жавабдарди я. Важиблу везифаяр кьилиз акъудун сифтени-сифте малимдилаь, адан идеядинни ахлакьдин кьаматдилаь, пешекарвилин жигьетдай гьазурвилерилаь, эхирни ада тухузвай тарсарилаь гзаф аслу я. Гьикьван девирар, кьурулушар, кьвалахзавай шартлар дегеш хьайитлани, вири вахтара школадин уьмуьрда хьсан терефдихь нетижаяр кьазанмишун малимдин устадивилеяь, ада кьунвай рекьелеяь хейлин аслу тирдини лагьана кланда.

Алай аямдин интересри гьвечли несилдин кьисмет ихтибарнавай малимдивай, датлана чирвилер, пак тьварциз вафалу хьун истемешзава. Алай вахтунда гьар са малимдини вичин кьвалахдин эхиримжи нетижайрин гьакьиндай талукь тирвал жаваб гун лазим я. Чи пакадин несилдиз мягькем чирвилер, дуьз тербия гунин мураддалди тарсара педагогикадин илимдин агалкьунрикай кьвенкьвечи тежрибадикай, методикадин, техникадин такьатрикай, гьакь аквадай пособийрикай тамамвилелди менфят кьачузвай, гьар са тарс яратмишдай тегьерда ту-

хузвай малимар райондин школайра садни кьвед авач. Абуру тарсара ва классдилаь кьеце пата тухузвай кьвалахарни педагогикадин илимдин хьсан кьайдайрикай хийир кьачуналди школьникриз чирвилерни тербия гунин рекьай гьар йисуз виниз тир нетижаяр кьазанмишзава. Багьнайрикай далда кьан тийиз буржидин жавабдарвал гьиссзавай школайрин коллективри тухузвай тешкиллу серенжемри тайин тир нетижаярни гузва.

Эхиримжи йисара райондин школайра гзафбуруз гьуьрметлу тьварар, наградаяр гуни идан гьакьиндай лугьзува. Чешне кьачуниз лайихлу малимри чеб акьалтзавай несилдиз руьгьдин цийи кьамат арадиз гьизвай, вичел чи обществодин виридалайни багьа девлет-пакадин умуд, гележег тир несил ихтибарнавай кас тирди гьиссзава. Абуруз чпин вилик акьвазнавай несилдиз чирвилерни тербия гун хьтин жавабдар везифаяр эцигнавайди чизва.

Кье школа хуьре гьар са терефдихьай еке кьуват я. Ада хайи хуьр гьар са жигьетдай вилик финиз таьсирзава. Чи хуьрера школайриз куьмек гузвай карханаяр, диде-бубаяр, спонсорар авачиз туш. За кье абуруз риклин сидкьидай чухсагьул лугьзува.

Кье хуьре школадин коллективдин роль, малимдин авторитет, адан гафунин таьсирлувал екеди хьун лазим я. Районда, хуьре авай гьаларин дуьз кьайгьуда хьун, жемьтдиз татугайвилер арадай акъуддай, четинвилер алуддай рекьер кьалурун, теклифар гун сифте нубатда малимдин кьилин буржи хьана кланда.

Заз школайрин педколлективри, образованиедин управлениедин системадин вири работникри цийи кьелунин йисузни акьалтзавай несилдиз мягькем чирвилерни дуьз тербия гун патал чпелай аслу вири серенжемар кьабулдайдахь кьелелай инанмишвал ийиз кланзава.

Р. МУРАДАЛИЕВ.

РАЙОНДИН ЖАБАРАР

— СЕЧКИЙРИН КЪАРШИДИЗ —

АГИТДЕСАНТ - МАГЪАРАМДХУЪРЕ



8- СЕНТЯБРДИЗ «Чи партия Дагъустан я» тIвар ганвай агитдесант Магъарамдхуъруъз мугъман хъана.

Ам кыле «Магъарамдхуъруън район» муниципальный райондин Администрациядин кыл Фарид Агъмедов авай райондин делегацияди къабулна.

Райондин культурадин Кивале кыле феи межлис МР-

дин Администрациядин кыл Фарид Агъмедова ачухна ва залда ацукънавайбурухъ галаз атанвай агитдесантдин мугъманар танишарна.

Вичин рахунра Фарид Загъидиновича 18- сентябрдииз кыле фидай сечкийра Магъарамдхуъруън райондин агъалири райондин экономика ва яшайиш хъсанарун патал чалишмиш жедай лайхлу кандидатрииз чпин сесер гудайди, кыле фи-

дай сечкийрин нетижайри райондииз мадни вилик фидай мумкинвилер гудайдахъ инанмишвал ийизвайди лагъана.

Идалай гъейри Фарид Агъмедова агитдесантдин векилприз районда Россиядин Федерациядин Государстводин Думадииз, Дагъустан Республикадин Халкъдин Собраниедииз депутат хъзавай сечкийр михъидакъ кыле фидайдини къейд авуна.

Элкъвей стол

13- СЕНТЯБРДИЗ муниципальный райондин Администрациядин заседанийрин залда Дагъустандин халкъар сад хъунин йикъаз талукъарнавай суварин элкъвей стол кыле фена.

Сувариз талукъарнавай элкъвей стол «Жегилрин ва туризмдин краай отдел» МКУ-ди тешкилнавай.

И столдихъ иштирак авун патал райондин общественный палатадин председатель А. Нагъметуллаев, «физкультурадин ва спортдин ре-



кый» МКУ-дин председатель М. Агъамирзоев, Райондин центральный библиотекадин директор Г. Гъуьсейновадииз теклифнавай.

Суварин элкъвей стол «Жегилрин ва туризмдин краай отдел» МКУ-дин директор Ф. Бейбутова ачухна ва столдин иштиракчийрииз «Магъарамдхуъруън район» МР-дин Администрациядин кыл Фарид Агъмедован тIварунихъай Дагъустандин халкъар сад хъунин югъ- 15- сентябрь мубаракна.

Ахпа столдихъ А. Нагъметуллаев рахана. Ада и сувар гъикI тешкил хъайиди ятIа, адан дувулар гъинай къвезватIа ва икI мад тарихдикай еке суьгъбет авуна.

«СОВЕТРИН СОЮЗДИН ГЕНЕРАЛИССИМУС» ТІВАРЦИН- 71 ЙИС

ГЕНЕРАЛИССИМУС маршалдилай виниз дережадин твар яз XVI- асирда Франци- яда арадиз атайди я ва латин чілалай таржума авурла «виридалайни чіхиди» лагъай гаф я.

Урусрин чіхиди полководец А. Сувороваз Италиядин ва Швейцариядин походрай чіхиди гъалибвилер гваз хтайла 1799- йисуз Генералиссимус лагъай твар гана. Пачагъдин Россияди Суворовалай гуьгъуьнизни дявеяр гзаф авунайтлани, мад и твар садазни гун хъувуначир.

Октябрдин революциядилай гуьгъуьниз куьгъне режимдин генералар, фельдмаршалар тергна. Абурун чкадал комдивар, комкорар, командармаяр атана. Анжах 1935- йисуз Советрин Союзда маршалвилини твар арадиз атана. Советрин сифтегъан маршалар В. Блюхер, С. Буденный, К. Ворошилов,



ГЕНЕРАЛИССИМУС

А. Егоров, М. Тухачевский тир.

1945- йисан 24- июндиз хъайи Гъалибвилини парад Советрин Союздин маршал Г. Жукова къабулна. Парадиз Советрин Союздин маршал К. Рокоссовскийди команда гана. Мовзолейдал президиумда Советрин Союздин маршал И.В. Сталин акъвазна. Гъукуматди вождь амайбурувай чара авун къетіна. Къве йикъалай, 1945- йисан 26- июндиз, СССР-дин Верховный Советдин Президиумди дяведин виридалайни чіхиди чин яз «Советрин Союздин Генералиссимус» арадиз гъун патал Указ къабулна. И твар дяведин вахтунда государстводин вири яракълу къуватриз руковод-

ство гунин карда Ватандин вилик къазанмишай чіхиди лайихлувилериз тамашна гун лазим тир. Пакад юкъуз, 1945- йисан 27-июндиз Советрин Союздин Генералиссимус лагъай твар Верховный Главнокомандующий И. Сталиназ гана. СССР-да ихътин чин мад садазни авачир.

Ватандин Чіхиди дяведилай гуьгъуьниз акъатай «Сталинан куьруь биографияда» кхъенай: «Юлдаш Сталина советрин дяведин илим мадни вилик тухвана. Ада дяведин къисмет галдай гъамиша кардик квай факторрин положение туькълурна ва ана мягъкем оборона къунин, гъакі гъужумдиз финин, дяведин шартлара къушунринни техникадин мягъкем алакъа хъунин, алай аямдин дяведа танкар ва самолетар гзаф акъудунихъ

авай метлеблублин, лап гъайбатлу яракъ яз артиллериядин роль хкажунин ва гзаф маса месэлаяр къейдна. Дяведин гзаф вахтара Сталинан бажарагълу планрихъ кар къетідай нетижаярни хъана».

Вичин ківалахдиз лайихлу къимет гун гъар са касдиз хуш жедай кар я. Икі ятлани, акъуллу, къадарсуз тарифар авун хуш тушир инсан яз, Сталиназ ихътин ихтилатар хуш жедачир. Ада твар-ван авай дяведин тарихчи полковник Е. Разинан чарчиз жаваб яз гъакі кхъинни авунай: «Сталинан гъурметдай ийизвай тарифри япар биши ийизва. Заз ихътин ківалахар кутугна аквазвач».

Армиядин генерал С. Штеменкоди вичин «Генеральный штаб дяведин йисара» ктабда

кхъизва: «Зунни А. Антонов (Генштабдин начальник) доклад гваз Кремлдиз фена. Сталинан приемныйда Красный Армиядин килин интендант генерал-полковник П. Драчев авай. Адал чаз тийижир парчадикай канвай дяведин гуърчег форма алай. Мундир Кутузован девирдин жуьредин хкаж хъанвай кьякьян хев галаз цванвай. Ихътин сегьнедин жуьредин костюм акурла чун мягътел хъана. Драчева яваш сесиналди чаз лагъана: «Генералиссимусдин цийи форма я».

Сталинан кабинетда Политбюродин членар авай. Далу патан армиядин начальник генерал А. Хрулева Генералиссимусдин форма кьялурун теклифна. Сталина разивилелди лагъана: «Гъваш, инал алайбур вири тамашрай». Кабинетдиз Драчев гъахъна И.Сталин адаз кыллелай кивачелди тамашна ва адан чин члур хъана.

-Квез а форма нел алукиз кланзава?- хабар кьуна ада Хрулевавай.

-Им Генералиссимус патал гъазурнавай форма я, жаваб гана Хрулева.

-Вуж патал?- хабар кьун хъувуна Сталина.

-Къун патал, юлдаш Сталин.

Сталина Драчеваз кабинетдай экъечлун теклифна ва амайбуруз вич нубатсуз виниз хкажиз алахъунар герек туширди ва ам акьулсузвал тирди лагъана.

Гъа икI, Генералиссимусдин форма арадиз атанач. И. Сталина амай вири маршалри хъиз, вичин уьмуьр амай кьян маршалвилонин форма алукина. Миллионралди инсанрин риклера ам кьуьнерал маршалдин погонар, хурудал Игитвиллин са гъед алай кителда авай инсан яз ама.

Интернетдин сайтдай таржума авуна гузва.

КЪВЕ БОЕВИК ТЕРГНА



КЪАЙДАЯР хуьдай органрин кьуллугъчийри терроризмдиз акси серенжем кыле тухвай вахтунда Дагъустанда кьве боевик тергна. Идан гъакъиндай, 5-сентябрдиз терроризмдиз акси Милли комитетдал (НАК) асаслу хъана, «Интерфаксди» хабар гана.

«Самур хуьруьн патав гвай тама бандитар чуьнуьх хъанвай чка тайинарна. Махсус метлебдин подразделениедин боецар пайда хъайила, абуру автоматический яракъдай гуьлле гана», - лугъузва НАК-дин малуматда.

Гуьлле гунин нетижада кьве боевик яна кьена. Гъа са вахтунда Милли гвардиядин аскерри-

кайни пуд касдал хирер, абурукай сад телеф хъана.

НАК-дин делилралди, терг авур кьве террористни банд-группадин членар тир. Самур хуьруьн патавай, женг кыле феи чкадила, автоматар ва женгинин суьрсет жагъана.

4-сентябрдиз гъиле-гъилди гел жагъурунин серенжемар кыле тухудай вахтунда кьуват гъилевайбур Самур хуьруьн патав гвай тама боевикрин дестедал расалмиш хъана. Террористри яракъ эцигуникай кыл кьякьудна ва гуьлле гана. Нетижада кьуват гъиле авай кьурулушрин пуд кьуллугъчидал хирер хъана.

САМАРКАНДДА ФАРАКЪАТНА

3- СЕНТЯБРДИЗ Самаркандда Узбекистандин президент Ислам Каримов кучудна. Идан гъакъиндай «Интерфаксди» хабар гана.

Каримов адан диде-буба фарақъатнавай тарихдин Шахи-Зинда памятникдин патав гвай сура-ра мусурманрин адетралди фарақъатна. Уьлкведа пуд йикъан яс малумарна.

Ислам Каримов кучуддалди вилик Регистан майдандал алай Тилля-Коре медресадин патав муфтий Усмонхон Алимова ясдин мярекат кыле тухвана.

Узбекистандин регъбер фарақъат авунин мярекатда государстводин кылин чкадин резиденцияда уьлкведин властрин кьецепатан уьлквейрин делегацийрин, СМИ-рин векилар киватI хъанвай.

Россиядин делегациядин кыле премьер-министр Дмитрий Медведев авай. Саммитдила гуьгуьуниз Президент Владимир Путинни башсагълуьгвал гун патал Узбекистандиз фена.

И. Каримов 1991- йисалай, дегиш тахъана, Узбекистандин президентдин кьуллугъдал хъана. Гъа члавалди, 1990-йисан мартдила, ада гъакни Узбекистан ССР-дин регъбервал ганай. Советрин девирда ам Узбекистандин коммунистрин партиядин ЦК-дин Сад лагъай секретардин (1989-1991-йисар) ва республикадин финанстрин министрдин кьуллугърал хъанай. Адахъ кьве руш ава-Гуьльнара ва Лола.

КЪАРИБ КЪАРИБОВ

МУРАД ТУШНИ

Хуьре ава дустар самбар,
Ватандикай къадай хабар.
Къиле аваз стха Джабар,
Дустар хьунухь мурад тушни.

Зуьрне, далдам, члагъан, чуьнгуьр,
Ийиз зурба межлис туьклуьр.
Майовкайриз къватл хъана хуьр,
Сувар хьунухь мурад тушни.

Алукъайла гуьзел гатфар,
Вергед къекъиф, хъчад афар.
Къватл хъхъана вири дустар,
Вахтар хьунухь мурад тушни.

Къаймах, дуьдгъвер, ниси, къатух,
Няметривди ацлай буллух.
Суфрад къиле лугъуз сагълугъ,
Бахтар хьунухь мурад тушни.

Мез деливар жумарт-заха,
Сейфудинни Шагьмурад стха.
Ашпазвал ийиз Абдул стха,
Устлар хьунухь мурад тушни.

Гуьлмурадни, Фариз, Тегъмез,
Сада- масад ийиз эвез.
Румка гъиле Фикрет хуььрез,
Тостар хьунухь мурад тушни.

Тамада яз Агьмад стха,
Йиф акъудиз хъана Макъа.
Къацу члурал стларп юкъва,
Ахвар хьунухь мурад тушни.

Пак булахдал хъуьуна цлай,
Шиш-кабабар къажгъан ацлай.
Замзамдин яд къватлиз нацлай,
Кутар хьунухь мурад тушни.

Чидай чпиз гъвечли-члехи,
Са хизан хъиз хъана вири,
Тлуьнар-хъунар гъуьрметдивди,
Къадар хьунухь мурад тушни.

Уя хъана Макъар дере,
Мани лугъуз магъле-магъле.
Лув гуз гъазур хайи хуьре,
Картар хьунухь мурад тушни.

Хайи хуьруьз машин гъализ,
Рулдихъ гала стха Рамиз.
Гъар сувариз Макъаз хъфиз,
Къастар хьунухь мурад тушни.



Гарагърин хуьр.

ХЪАЙИ КАР

ГьикI экъуьгъдач?

ДУГЪРИДАННИ, чидай, тийижир лугъун тавуна, Алимердена нубат алай низ хъайитлани экъуьгъдай. Таяр-туьшери гьикъван лугъуз хъанайтлани, адаз эсер жезвачир. Эхир адан дуст, гъа вич хътин зарафатчи Абумислима ихътин са фонд акъудна.

-Алимерден, къе яргъи югъди чун къвед са къвалахал ала. Ша чна ихътин икърар кутлунин. Эгер къе вуна садазни экъуьгъ тавуртла, зи гъаятда хуьзвай дана ваз чида, гъам ваз. Эгер вавай ви сив хуьз тахъайтла, ви гъаятда хуьзвай гьер заз.

-Рази я.

Рагъдандихъ дустар рехъди хуьруьз хквезвай. Ким алай чкадал акакъайла Алимерденаз са алапат акуна. Рекъин къерехда акъвазнавай «Жигули» машиндиз вад ламраз къван пар янавай. Машинада зуртулар хътин вад кас авай, сивел къван картуфрай ацланвай шешелар авай багажник акъализ жезвачир, машиндин къавални къуд шешел алай. Машиндин руфун чилел ацукънавай. И гъал акур Алимерденавай сабур хуьз хъанач.

-Абумислим, акъваз са герен. Я дуст кас, вун гъинай я?- хабар къуна Алимердена шофердивай.

-Самур патай я.

-Ви твар вуж я?

-Дустум я. Вуч герекзава?

-Магъарамдухуьруьз къван квехъ галаз чунни къвен ман.

-Им автобус туш.

-Автобус туш? Абумислим, ви дана ваз амуькрай, адан къилел зи гьерни ваз хуьрай, и кепеюгълидиз экъуьгъ тавуна завай акъвазиз жедач.

М. ЖЕЛИЛ.

Чарасуз шартI

ГЪАР СЕФЕРДА алуькъайла гад, адет хъана, бубад хуьруьз Лейла бала мугъман жезва. Гъвечли-члехи, магъле михъиз, гъар сеферда, Лейладал чи гъейран жезва. Гъар са кардив жезва таниш, мукъуфдалди сирерай къил акъудзава. Къенфет, нини тийиз саймиш, гъавалат яз, дидедин вахт къакъудзава, суалри лап галудзава:

-Вучиз тутар жезва фад? Некъийрик цин галама дад? Ичер вучиз тарцел ала? Газарарни чилик гала? Пахляарни цавуз физва – хуьшрекандин гъалар хъана? Буранарни фараз жезва – целериз цин ухшар хъана...

Вучиз? Вучиз? Суалрин сел ахмиш хъанва дидед къилел. Агъзур дерди вилик галай, къилин тларп гузвай азаб, бизар жезвай дидедивай акъваз жезвач тагана яб. Гъикъван фикир авуртлани, зарафатдик кутуртлани, Лейла бала тежедай хъел жаваб къевезвач дидед рикел.

Эхир метел къуна а руш башламишна сесинал хуш:

-Акъваз, бала, хуьх сабурлу. Чарасуз я хъун фагъумлу. Гуьул хъиз дерин каинатдин, сир ачухун тлебиатдин шартлуналди мумкин кар я – савадлу хъун чарасуз шартI я.

Ф. ГЪАЖИЕВ.



Дуьньядилаи цлар илитна

ГУЬРУШМИШ ЖЕДАЧ

ЛАЦУ КИВАЛИ США-дин президент Барак Обама Филиппинрин регьбер Родриго Дутертедихъ галаз гуьрушмиш хьун акъвазарна, хабар гузва CNN-ди. Ихътин къарар Дутертеди Обамадин намусдик хкладай гафар лагъайдалай гуьгъуьниз Филиппинрин властри наркотикар маса гузвайбуруз талукъ яз тухузвай политика критика авурвилай къабулна.



Виликамаз планламишнавайвал, къве государстводин кьилер Лаосда и гьафтада Кьиблепатанни Рагъакидай патан Азиядин уьлквейрин регьберрин саммитдиз Обама атайла гуьрушмиш жеда лагъана фикирнавай.

Дутертедихъ галаз гуьрушмиш жедай чкадал Обамади Кьиблепатан Кореядин президент Пак Кын Хедихъ галаз суьгьбетна.

4-сентябрдиз Дутертеди Обамадиз кутуг тавур гафар лагъана ва инсандин ихтиярар хуьнин гьакъиндай вичиз меслятар къалур тавун истемшна. «Вуна чаз гуьрмет авун лазим я. Суалар ва малуматар гваз чал гадар жемир. За вун саммитдал беябурда», - малумарна ада. Идалай гуьгъуьниз, гуьрушмиш хуьнихъ метлеб авани авачни лугъуз, Обама шаклу хъана.

Дутертедихъ галаз суьгьбетдай вахтунда Обамадиз Филиппинра инсандин ихтиярар хуьнин гьакъиндай месэла къарагъардай ният авай. И гуьрушмиш хуьн Дутерте президентвилин къуллугдал хъайидалай инихъ сад лагъайди хуьн мумкин тир.

Августдин сифте кьилерай Филиппинрин регьберди США-дин посол Филип Голдбергазни кутуг тавур гафар лагъана. Адакни уьл-

кведин къенепатан крарик къаришмиш жезва лагъана, тахсир кутуна.

Дутерте алай йисан майдиз вичин къуллугдыв эгечна. Сечкийрилай вилик адан хиве къунрикай сад наркотикрихъ галаз алакьалу тахсиркарвилерин аксина къетлен женг члугвада лагъана гаф гун тир. Кьилди къачуртла, ада лагъана хьи, къадагъа авунвай шейэр маса гузвай ксар тергда ва абурун мейитар Маниладин бухтадиз гадарда. Дутертеди вич хкягъайдалай гуьгъуьниз наркодилер терг авунай граждандриз медаль гуда лагъана хиве къуна, вичихъ кьиникьин жаза кардик кутадай ният авайдан гьакъиндайни малумарна.

Хабар гузва хьи, Дутерте къуллугдал хъайи члавалай инихъ уьлкведа саки 2 агъзур кас телеф хъана, абурукай 700 кас-полицейскийри кьиле тухвай серенжема.

2000- йисарин сифте кьилерай Давао шегьердин мэрдин къуллугдал хъайи 71 йис хъанвай Дутертедиз криминалдихъ галаз женг члугунин къайдайрай Жаллати (Каратель) лакаб ганвай. А члавуз агъзурдалай гзаф тахсиркарар къайдаяр хуьдай органри тергна. Ихтиярар хуьдай Rights Watch тешкилатди адас «ажалдин батальондин мэр» лагъана тIвар ганвай.

РИКЕЛ ХКАНА

ВАШИНГТОНДИ Минскдин икърарар уьмуьрдиз кечирмиш тавунмаз Москвадиз акси яз кардик кутунвай къадагъаяр акъвазардач. Идан гьакъиндай США-дин президент Барак Обамади «Къад уьлкведин» саммит кутьягъ жезвай Китайдин Ханчжоу шегьерда хъайи пресс-конференциядал малумарна, хабар гузва «Цийивилер» РИА-ди.

«Минскдин икърарар ава, амма абур тамамарзавач. За ачухдаказ лагъана хьи, абур тамамар тавунмаз США-ди къадагъаяр алуддач», - къейдна. Обамади, Россиядин Президент Владимир Путинихъ галаз гуьрушмиш хуьникай суьгьбетдайла.

5-сентябрдиз Россиядин регьбердин пресс- секретарь Дмитрий Пескова хабар гайивал, къве уьлкведин регьберрин гуьруш планламишнавайдалай яргъалди давам хъана ва

хъсандиз кьиле фена (Америкадин регьберди кьимет гайивал, - ам ачухди, михьиди ва карчиди хъана).

Сифтедай рахунра Россиядин МИД-дин кьил Сергей Лаврова ва США-дин госсекретарь Джон Керриди иштиракна, ахпа президентри суьгьбет кьилди давамарна. - Гуьруш 4-сентябрдиз ачух хъайи С-20-дин къве йикъан саммитдин сергъятра аваз кьиле фена.

2014- йисан мартдилай са жерге уьлквейри, гъа гьисабдай яз Сад Хъанвай Штатрини, Крым Россиядихъ галаз сад хъхуьникай ва Украинадин Рагъэкъечидай пата кьизгъин гьалар арадал атуникай багъна къуна. Москвадиз талукъ яз къадагъаяр кардик кутуна. И серенжемар гьам кьилдин ксариз, гьам юридический къурулушриз, гьамни Россиядин экономикадин тамам секторриз талукъ хъана. Жаваб яз Россияди суьрсетдин барадай къадагъа кардик кутуна, кьилди къачуртла, Евросоюздин членар тир уьлквейрин ва США-дин аксина.

Москвадиз акси яз эцигнавай къадагъаяр алудун са бязи государствойри 2014 -йисан апрелдилай Украинадин къуват гъилевайбуру ополченцийриз акси къуватдин серенжем кьиле тухузвай Донбассда гьалар къайдадик кутунихъ элкьуьрनावай Минскдин икърарар Кремл-



ди тамамарунихъ галаз алакьалу ийизва. Россияди, вичин нубатдай яз, вич и чуьруькдин иштиракчи туширди са шумуд сеферда малумарнай ва гъавиляй Минскдин икърарар уьмуьрдиз кечирмиш тавунай жавабдарвал вичин хиве авач лугъузва.

* **Яргъалди** яшамиш хьун ва яшар хъайила хъсандиз гисс авун патал са стакандавай некледиз (кун тийидай ва гьакни къайи тушир) хуьрекдин са тлурунавай дуьдгвер ва гьакьван вирт вегьене, хъсандиз хуькуьрда.



Ахпа аниз 50 г. коньяк алава хьувуна (гьетер гьикьван гзаф хъайитла, гьакьван хъсан я), мад хъсандиз хуькуьрна, ксудалди вилик куьлуь-куьлуь хуплар ийиз, хъвада. Сагъаруниз 0,5 литр коньяк герек къведа. Гьа икI 10 юкьуз хъвана, 12 юкьуз ял яна мад тикрар хъийида.

* **Англиядин** духтурри уьгьуьдин дарманрихъ гузвай пул гарал гадарай мисал я лугьузва. Абуру чпин пациентриз мекивилелай жезвай азарин лишанар малум хъайила, лимонни вирт кутуна чай хьун меслят къалурзава. Ахтин чайди туьтуьхда ва бронхийра авай гьер бактериярни кваз акьудзава.

* **Давление** агьуз аватайла са стакандавай уькьуй яд хьун меслят къалурзава. Гьакни фу тлуьрдалай кьулухъ 2 г. кьел ишлемишайтIа, давление агьуз аватнавайдан гьал гьасятда хъсан жеда.

* **Дуркунра** ва туькьуьлдин куркурда къванер авайла, чайдин са тлурунавай газаррин тумунал са стакан яд илична, 10 декьикьада зайиф цIал эцигна, ругуна, 30-40 декьикьада тада. Ахпа ам куьзна, йикьа 3-4 сеферда ишлемишда.

Нурудин НАСРУПЛАЕВ

ВЕРДИШ ХЪАЙИВАЛ

Участковий гьавалат хьанва Ямандарал: - Вун мус дуьз жедайди я?!

- ГьикI дуьз, ваз фекьидиз эвериз кланзаван?

- Астафируллагь, яда ваь, яда- а! Деклени, вун бакъа хьиз гьамиша амуькьин! Дуьз твах, яда-а, дуь-уьз! Гьикьван хуьй гьамиша птулка гьиле аваз хъваз, вични инал зи вилик, къуншидал! Вуча, види зи тIвар беябурун, зун маса гун ян?!

- Ваь, я къунши, я чан къунши, ваь, вун маса гун туш. Жув вердиш хъайивал тухузва ман,- лугьузва Ямандара. - Аял вахтунда бубади вав къачуз тапанчияр вугудай. Ингье, вун тапанчийрив вердиш хъана, вакай тапанчи гвай милица хъана, вуна тапанчи чIугуна кьунва. Заз гьвечли чIавуз дидеди нек хуродай ваь, путулкадай гайиди я. Кьве гьилив путулка чIугуна кьуна фитиндалдай за. Гьавилляй жув вердиш хъайивал гьа путулка гилани чIугуна кьунва за.

«Магъарамдхуьруьн район» МР-дин Администрацияди, Райондин Собраниеди образованиедин Управлениедин начальник Абейдуллаев Улубегаз, адан хизандиз ва мукьва-кьилийриз буба

МУЬГЬУЬДИН

кечмиш хьунихъ галаз алакьалу яз, дериндай хажалат чIугуналди башсагьлугьвал гузва.

Райондин «Самурдин сес» газетдин ва ООО «Самур» типографиядин работникри образованиедин Управлениедин начальник Абейдуллаев Улубегаз, адан хизандиз ва мукьва-кьилийриз буба

МУЬГЬУЬДИН

кечмиш хьунихъ галаз алакьалу яз, дериндай хажалат чIугуналди башсагьлугьвал гузва.

Магъарамдхуьруьн «Теремок» бахчадин коллективди образованиедин Управлениедин начальник Абейдуллаев Улубегаз ва адан хизандиз буба

МУЬГЬУЬДИН

кечмиш хьунихъ галаз алакьалу яз, дериндай хажалат чIугуналди башсагьлугьвал гузва.

Магъарамдхуьруьн «Теремок» бахчадин коллективди Шагьмарданова Хадижатаз ва Халидова Ферозадиз диде

ЗУЬГЬРЕ

кечмиш хьунихъ галаз алакьалу яз, дериндай хажалат чIугуналди башсагьлугьвал гузва.

Кьилин редактор
А. А. ИСМАИЛОВ.

Редакциядин адрес:

368780. РД, Магъарамдхуьруьн район, Магъарамдхуьр, Ленинан куче.

Газет гьафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал кьул чIугуна- 15.00.

Газет ООО «Самур» типографияда гьазурна ва гьана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куче. Лезги чIал.
Индекс 63340. Тираж 1570.
Заказ № 38.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+